

四庫全書

史部

欽定四庫全書

文獻通考卷三百二十三

鄱陽馬端臨貴與著

輿地考九

古南越

自嶺而南當唐虞三代為蠻夷之國是百越之地亦謂

之南越

或云南越之君亦夏禹之後按甌越閩越禹後少康之庶子所封之地即南越非其種也故輿

地志云東南有二越其義詳矣或曰自交趾至於會稽七八千里百越雜處各有種姓故不得盡云少康之後

古謂之雕題

謂雕題刻其額也禮記王制曰南方曰雕題

非禹九州之域又

非周禮職方之限

晉書隋書並謂交廣之地為禹貢揚州之域今稽其封略考其鎮藪則禹

貢職方皆不及此

在天文牽牛婺女則越之分野

得漢

梧鬱林合浦交趾九真南海日南皆其分也今南海義寧海豐恩平南陵招義臨賀高要潯江感義臨江扶南

晉康臨封開陽高涼始安之南境平樂蒙山正平開江連城鬱林平琴安城賀水常林象郡龍城融水朗寧南

潘懷澤寧仁新興晉寧陵水南昌寧越定川寧浦橫山修德龍池安南武義龍水忻城九真福祿文陽日南承

化銅陵永定玉山合浦安樂海康蒼梧懷德臨潭樂古溫水湯泉等郡是也

兼得楚之交漢

陵桂陽今始安之北境及始興皆宜屬楚

秦始皇略定揚越謫戍五方南守

五嶺

自北徂南入越之道必由嶺嶠時有五處塞上嶺一也今南安郡大庾嶺是騎田嶺二也今桂陽郡

臘嶺是都龐嶺三也今江華郡永明嶺是毗渚嶺四也亦江華界白芒嶺是越城嶺五也今始安郡北零陵郡

南臨源嶺是西自衡山之限也後遣任囂攻取陸梁之地遂

平南越置郡此為南海

今南海始興義寧海豐恩平南陵臨賀高要感義晉康臨封開

陽高涼連城新興桂林

今始安平樂蒙山開江潯江蒼梧臨江鬱林平琴安城賀水常

林象郡龍城融水朗寧懷澤寧象今招義南潘普寧陵

浦橫山脩德龍池永定等郡是置南海尉以

南武義龍水忻城九真福祿文陽日南承化玉山合浦安樂海康溫水湯泉等郡是

典之所謂東南一尉者也

任囂病且死召趙佗謂曰番禺負山險阻南北東西數千

里可以為國遂以趙佗為南海尉

秦末趙佗遂王其地漢因封之佗後

數代其相呂嘉反叛武帝使伏波將軍路博德討平之

分秦南海桂林象郡置蒼梧鬱林合浦日南九真交趾并舊九郡是

元封初又遣軍自合

浦徐聞入南海至大洲方千里略得之

置儋耳珠崖二郡至元帝時以

其數反

後蒞置交趾刺史

領七郡

其餘土宇自漢以後歷

代開拓

今臨潭扶南正平樂古珠崖昌化延德瓊山萬安等郡是

後漢建武中交趾

女子徵側妹徵貳反於是九真日南合浦蠻俚皆應之

自立為交趾帝使馬援平定交部始調立城郭置井邑

至獻帝乃立為交州

領郡七時張津為交趾刺史士燮為交趾太守共上表請立為州置

牧初理龍編縣即今安南府是也乃置交州牧徙理蒼梧廣信縣即今郡蒼梧縣也建安十六年又徙理南海

番禺縣即今郡縣也尋又移理龍編其邊州詔使持節給鼓吹以重威鎮

加九錫六佾之舞漢末其地並屬吳仍分為廣州

領郡三理

番禺後蜀以建寧太守遙領交州晉平蜀亦然及平吳仍

舊交廣二州

並因前代交領郡七廣領郡六

宋分為廣州

領郡十七理番禺

交

州

領郡五越州

領郡三理臨漳今合浦郡齊並因之

廣州領郡三十三交州領郡九

越州領郡十二

梁陳以來廢置混雜不能悉舉唐分十五部此

為嶺南道五代時為劉氏所據宋乾德四年平南漢始盡得嶺南之地分為廣南東路西路

五嶺之南人雜夷獠不知教義以富為雄

父子別業父貧乃有質身

於子者其富豪並鑄銅為大鼓初成懸於庭中置酒以招同類又多搗讐怨欲相攻擊則叩此鼓到者如雲有鼓者號為都老羣情推服尉佗於漢自稱蠻夷大長老大臣佗故里人呼其所尊為長老也言訛故又稱都老云

珠厓環海尤難賓服是以漢室嘗罷棄之

漢元帝時珠厓數反叛

賈捐之上書言不可煩中國師徒請罷棄命從之

大抵南方遐阻人強吏懦豪

富兼并後屬貧弱俘掠不忌古今是同其性輕悍易興

迷節

自尉佗徵側之後無代不有携亂故蕭齊志云憑恃遠險隱伏巖障恣行寇盜畧無編戶

爰自

前代至於唐朝多委舊德重臣撫寧其地也

古南越歷代沿革之圖

秦時為郡三

南海郡 桂林郡 象郡

漢時為郡七縣五十五

南海郡六縣

番禺

博羅

中宿

龍川

四會

揭

鬱林郡十二縣

布山 臨塵

安廣 定周

阿林 增食

廣鬱 中留

潭中 桂林

領方 雍雞

蒼梧郡十縣

廣信 乘

謝沐 富川

高要 荔浦

封陽 臨賀

端谿 猛陵

馮

交趾郡十縣

羸樓 徐

安定 西子

苟漏 龍編

由易 蒼冷

北帶 朱鳶

稽

合浦郡五縣

徐聞

高涼

合浦

臨允

朱盧

日南郡五縣

朱吾

比景

盧容

西捲

象林

九真郡七縣

胥浦 切

移風 無編

都龐

餘發

咸驢

無

晉時為郡十七縣一百二十一

南海郡六縣

番禺 夷

四會

增城

博羅

龍川

平

臨賀郡六縣

臨賀川

謝沐

馮乘

封陽

興安

富

始安郡七縣

始安平

永豐

始陽

平樂

荔浦

常安

熙

高涼郡三縣

安寧

高涼

恩平

始興郡七縣

曲江宿

桂陽山

始興

含洹

湏陽

中

高興郡五縣

廣化

海安

化平

黃陽

西平

蒼梧郡十二縣

廣信農城

端溪

高要

建陵

郭平

猛陵

都羅 武城

鬱林郡九縣

布山方

阿林

新邑

晉平

鬱平

領

熙

桂林郡八縣

潭中

武豐

粟平

羊平

龍剛

夾

合浦郡六縣

合浦

南平

蕩昌

徐聞

毒質

珠

日南郡五縣

象林

盧容

朱吾

西捲

比景

交趾郡十四縣

龍編

苟漏

望海

贏樓

曲易

朱鸞

安定

南定

海平

九德郡八縣

九德

咸驩

南陵

陽遂

扶苓

曲

九真郡七縣

胥浦

移風

津梧

建初

常樂

扶樂

武平郡七縣

武平

武興

進山

根寧

安武

扶

安封溪

新昌郡六縣

麓冷道

嘉寧

吳定

封山

臨西

西

寧浦郡五縣

寧浦

連道

吳定

昌平

平山

隋時為郡十八縣一百四十七

南海郡十五縣

南海清遠

曲江浚

始安政賓

翁源增城

化蒙寶安

樂昌

四會

懷集

新會

義寧

龍川郡五縣

歸善

河源

博羅

興寧

海豐

蒼梧郡四縣

封川

都城

蒼梧

封陽

高涼郡九縣

高涼龍

吳川

電白茂名

杜原

連江

海安

陽春

石

永平郡十一縣

永平寧人

武林淳人

隋建大賓

安基隋安

戎成普寧

賀川

鬱林郡十二縣

鬱林安成

鬱平寧浦

領方樂山

阿林石南

馬度桂平

嶺山

宣化

合浦郡十一縣

合浦抱成

南昌隋原

北流扇沙

封山定川

海康龍蘓

鐵杷

始安郡十五縣

始安義熙

平樂龍城

荔浦馬平

建陵陽朔

隋化象富

川龍平

桂林

陽壽

豪靜

信安郡七縣

林高要

銅陵

平興

樂城

新興

博

寧越郡六縣

欽江

安京

內亭

南賓

遵化

海

永熙郡六縣

瀧水

懷德

良德

安遂

永業

永

珠崖郡十縣

義倫

寧遠

澄邁

顏盧

毗善

武德

吉安

延

交趾郡九縣

宋平

新昌

龍編

安人

平道

隆平

交趾

嘉

九真郡七縣

九真

日南

移風

胥浦

隆安

軍安

安

安

日南郡八縣

九德

咸驪

浦陽

越裳

金寧

交

交

交

林邑郡四縣

象浦

金山

交江

南極

比景郡四縣

比景

朱吾

青冷

西捲

海陰郡四縣

新容

真龍

多農

安樂

唐時為州七十縣二百八十九

廣州十三縣

岡州二縣

韶州六縣

循州六縣

恩州三縣

春州三縣

賀州六縣

端州二縣

藤

州四縣

康州四縣

封州二縣

高州三縣

南義

州三縣

新州二縣

賓州四縣

桂州十一縣

昭

州三縣

蒙州三縣

富州三縣

梧州三縣

潯州

三縣 龔州三縣 鬱林州五縣 賓州三縣 繡州

三縣 象州三縣 柳州五縣 融州三縣 邕州七

縣 貴州四縣 黨州四縣 橫州三縣 嚴州三縣

巒州三縣 羅州五縣 潘州三縣 容州六縣 化

州三縣 白州五縣 牢州三縣 欽州五縣 武峩

州五縣 廉州四縣 雷州三縣 禺州四縣 宜州

四縣 芝州一縣 崖州四縣 儋州五縣 振州五

縣 瓊州五縣 萬安州四縣 安南都護府八縣

愛州六縣 福祿州三縣 長州四縣 驩州四縣

峰州五縣 陸州三縣 巖州四縣 湯州三縣 瀛

州四縣 籠州七縣 環州八縣 古州三縣 田州

五縣 山州二縣 演州二縣 林州三縣 景州三

縣

宋時為州三十七縣一百一十二

廣州八縣 韶州五縣 南雄州二縣 英州二縣

循州三縣 惠州四縣 南恩州二縣 賀州三縣

肇慶府二縣 藤州二縣 德慶府二縣 封州二縣

高州三縣 新州一縣 靜江府十二縣 昭州四

縣 梧州一縣 潯州二縣 鬱林州二縣 賓州三

縣 象州四縣 柳州三縣 融州三縣 邕州二縣

貴州一縣 橫州二縣 容州三縣 化州二縣

白州一縣 欽州二縣 廉州二縣 雷州一縣 宜

州五縣 儋州三縣 吉陽州二縣 瓊州四縣 萬

安州三縣

廣州 秦置南海郡二漢因之兼置交州

領郡七後漢州治於此

吳因之孫休以交州土壤太遠乃徙交州治龍編分交

州置廣州領郡十治番禺晉宋齊因之梁陳並置都督

府隋平陳置總管府後又置番州煬帝置南海郡唐改

為廣州或為南海郡屬嶺南道武德二年分新會義寧

二縣置岡州貞觀廢岡州復以二縣來隸後以廣桂容

邕安南五府皆隸廣州以廣州為嶺南五府節度五管

經略使治所後為清海軍節度領縣十三

南海 番禺 增城 四

會

化蒙

懷集

泮水

東莞

清遠

泮匯

湏陽

新會

義寧

南漢置咸寧以湏

陽屬英州宋開寶四年以含光隸連州五年廢咸寧番

禺化蒙泮水四縣大觀元年陞為帥府領廣南東路兵

馬鈴轄兼本路經略安撫使貢胡椒石髮糖霜肉豆

菴丁香母子零陵香補骨脂茴香沒藥沒石子沉香甲

香詹糖香石斛龜殼水馬鼈皮籐簾領縣八治南海

南海

隋縣有番禺山羅浮山練洲沉香浦

增城

漢縣有硯山增水

懷集

宋縣有驃山建溪

清遠

隋縣有中宿峽金鑠

東莞

唐縣有珊瑚洲

四會

漢縣新會

晉縣信安

本義寧縣

宋改

韶州 春秋戰國皆屬楚地秦屬南海郡二漢屬桂陽

吳分置始興郡晉因之宋改為廣興郡齊又為始興郡

隋平陳廢始興郡併其地屬南海郡唐置韶州或為始

興郡屬嶺南道領縣六

始興 仁化

曲江 翁源

湏昌 樂昌

後改湏昌

為保國南漢以保國隸南雄州宋開寶四年以始興屬

南雄州屬廣東南路宣和三年以岑水場析曲江翁源

地置建福縣

貢絹鍾乳領縣五治曲江

曲江

漢縣有桂

山曲江靈芝山韶石

樂昌

隋縣有昌山武夷

翁源

梁縣有靈池山

仁化

唐縣有白石山潼溪

五渡水 建福

南雄州

南漢以韶州保昌縣置雄州宋開寶四年加

南字以韶州始興來屬宣和時賜郡名曰保昌屬廣東

路 貢絹領縣二治保昌

保昌

唐縣有大庾嶺樓船水保水

始興

梁縣有東嶠山修仁水

英州

南漢以廣州湏陽縣置英州宋開寶六年以連

州洽光來屬宣和二年賜郡名曰湏陽屬廣東路 貢

紆布領縣二治湏陽

湏陽

唐縣有始興江沱水

沔光

漢縣有沔山淮水

循州

秦二漢南海郡地晉亦然宋屬南海東莞永平

三郡地齊因之隋平陳置循州煬帝初州廢置龍川郡

唐復為循州或為海豐郡屬嶺南道領縣六

歸善河源興寧

海豐博羅雷鄉

南漢以歸善博羅海豐河源屬惠州宋因

之屬廣南東路熙寧四年置長樂縣貢絹簾盤領縣

三治龍川

龍川

唐雷鄉縣南漢改有龍川觸湖博羅山

興寧

晉縣有揭陽山興寧

江左師山別別溪

長樂

熙寧四年析興寧縣置

惠州 南漢以循州歸善縣置禎州以歸善海豐博羅

河源四縣來屬宋天禧四年以州名犯仁宗御名改為

惠州屬廣東路宣和二年賜郡名博羅 貢甲香籐箱

領縣四治歸善

歸善

隋縣有鰲池

海豐

宋縣有龍山南海

博羅

秦縣

有羅浮山

河源

南齊縣有龍穴山新豐江

南恩州 秦屬南海郡二漢為合浦郡地唐貞觀中置

恩州或為恩平郡屬嶺南道領縣三

陽江平

杜陵恩

宋開寶

九年廢恩平杜陵二縣慶歷八年改河北路貝州為恩

州乃加南字熙寧六年廢春州以陽春縣來隸屬廣南

東路

貢銀領縣二治陽江

陽江

唐縣有龍龜山恩平江

陽春

梁縣有浮雲山

春州

秦屬南海郡二漢屬合浦郡地隋屬高涼郡唐

武德四年平蕭銑置春州或為南陵郡屬嶺南道領縣

三

陽春  
水 流南

宋開寶五年州廢其地入恩州六年復置

州廢羅水沅南二縣又以勤州之銅陵來屬并勤州之

富林入銅陵為一縣景德元年移治於陽春界石津古

城大中祥符九年又并入新州為新春州天禧四年復

置領縣二治陽春熙寧六年復廢以銅陵并入陽春為

縣屬南恩州

詳見南恩州下

賀州 秦屬南海郡二漢屬蒼梧郡吳分置臨賀郡晉

因之宋文帝改為臨慶國齊復為臨賀郡陳因之隋平

陳置賀州

因賀水為名

煬帝初廢為縣屬始安熙平二郡唐

復置賀州或為臨賀郡屬嶺南道領縣六

臨賀 桂嶺 蕩山 富

川

馮乘 封陽

宋開寶四年廢蕩山封陽馮乘屬廣東路大

觀間改屬廣西

貢銀領縣三治臨賀

臨賀

漢縣有蕩山祥

山臨水賀水錫溪

富川

漢縣有富水

桂嶺

隋縣有桂嶺山

肇慶府

秦屬南海郡兩漢並屬蒼梧郡晉亦然宋齊

並屬南海郡陳置高要郡屬嶺南道領縣二

高要平興

宋開

寶五年廢平興元符三年陞興慶軍節度徽宗即位以

潛藩升為肇慶府屬廣東路又以廣州四會縣來隸

貢銀石硯領縣二治高要

高要

漢縣有爛柯山端溪高要峽新江

四

會

見廣州

藤州 秦屬南海郡二漢並屬蒼梧郡晉屬永平郡隋

平陳置藤州煬帝初州廢後置永平郡唐復為藤州或

為感義郡屬嶺南道領縣四

寧風 義昌

感義 鍾津

宋開寶五年

廢寧風感義義昌三縣熙寧四年廢南儀州為岑溪縣

隸藤州屬廣西路 貢銀領縣二治鍾津

鍾津

隋縣 有鉛

穴山 鍾 岑溪 有蕪羅山 龍驤水

德慶府 秦屬南海郡二漢屬蒼梧郡晉分置晉康郡

宋齊以下因之隋平陳廢晉康併入信安郡

今高要 郡也

唐

復為康州或為晉康郡屬嶺南道領縣四

端溪  
晉康

悅城  
都城

宋開寶五年廢州以悅城晉康都城並入端溪以隸端

州尋復置州以廢瀧州之瀧水來屬以瀧州之開陽建

水嶺南三縣並入瀧水為一縣紹興元年以高宗潛藩

陞為德慶府永慶軍節度屬廣東路貢銀領縣二治

端溪

端溪

漢縣有端山  
西江鬱水

瀧水

隋縣有靈陽  
山羅田水

封州 晉以前土地與康州同梁置梁信郡兼置成州

隋平陳廢梁信郡改成州為封州煬帝初州廢為封川

縣屬蒼梧郡唐復置封州或為臨封郡屬嶺南道領縣

二

封川開建

宋屬廣南東路貢銀領縣二治封川封川

隋縣有西江

開建

唐縣有忠議山封溪水

高州 秦以前土地與晉康郡同二漢屬合浦郡吳置

高涼郡晉因之初吳又立高興郡晉亦有之其後悉併

於高涼郡齊亦為高涼郡梁兼置高州隋平陳郡廢而

高州如故煬帝初州廢屬高涼永熙二郡地唐復為高

州或為高涼郡屬嶺南道領縣三

良德定

雷白

宋開寶五

年廢良德保定又廢潘州以其南巴潘水二縣併入茂  
名來屬景德元年并入賓州移治茂名三年復置以二  
縣還隸熙寧四年廢賓州以其懷德潭莪特亮併入信

義縣來屬屬廣西路

貢銀領縣三治電白

電白

隋縣

有高山信義

唐賓州四縣有羅賓洞潭莪水

茂名

唐潘州三縣有潘山潘水毛山

南儀州

秦屬南海郡二漢屬蒼梧郡唐武德四年置

南儀州貞觀初廢以其地屬南建州二年復置義州其

後或為連城郡屬嶺南道領縣三

岑溪

永

宋開寶四

年改為南儀州屬廣西路五年廢州以其地入賓州六年復廢連城永業二縣并入岑溪熙寧四年州廢以岑

溪入藤州

詳見藤州下

新州 秦屬南海郡二漢屬合浦郡晉分置新寧郡宋

齊因之梁置新州隋屬信安郡唐為新州或為新興郡

屬嶺南道領縣二

新興永順

宋開寶五年廢永順屬廣東路

貢銀領縣一

新興

唐縣有露山利山新江封水

賓州 秦屬南海郡二漢屬蒼梧郡隋屬永熙郡唐武

德五年置南扶州貞觀八年改為賓州或為懷德郡屬

嶺南道領縣四

信義  
潭峩

懷德  
特亮

宋開寶五年廢潭峩懷德

特亮熙寧四年州廢以縣隸高州

詳見高  
州下

靜江府

戰國時楚國及越之交秦為桂林郡地二漢

屬零陵蒼梧二郡吳分置始安郡晉因之宋改始安為

始建國齊復為始安郡梁置桂州隋平陳置總管府煬

帝初府廢復置始安郡唐為桂州或為始安郡有越城

嶺今謂之臨源嶺即五嶺之一自荔浦以北為楚以南

為越今靜江有中州清淑之氣荔浦相距纔百餘里遂

入瘴鄉是天所以限楚越也屬嶺南道領縣十一

臨桂理

定靈川陽朔永福荔浦  
豐水修仁恭化古全義後為下都督靜江軍

節度桂管都防禦觀察使湖南馬氏置義寧縣宋大觀

時陞為帥府領廣南西路兵馬鈐轄兼本路經略安撫

使紹興三年以高宗初潛陞為靜江府貢銀桂心領

縣十二治臨桂臨桂唐縣有獨秀山維山桂江靈川唐縣有靈巖川銀江甘水

興安唐全義縣宋改有海陽山灘江湘水陽朔梁縣有陽朔山烏永福縣唐

有永福山  
白石水  
修仁  
唐縣有崇仁山駱駝水  
理定  
唐縣有橄欖山  
慕化

唐恭化縣後唐改  
後併入臨桂縣  
荔浦  
漢縣有荔江方山  
義寧  
本義寧鎮馬氏置有思江  
永

寧  
唐豐水縣梁改有豐水後廢為鎮入荔浦  
古  
唐縣有常安水

昭州  
秦桂林郡地二漢屬蒼梧郡晉末屬始建國齊

屬始安郡隋亦然唐武德四年置樂州貞觀八年改為

昭州  
取昭潭為名長沙郡本潭州亦取昭潭為名則彼此皆有昭潭郡地有昭岡潭只在江中蓋因岡為

名  
或曰平樂郡屬嶺南道領縣三  
平樂平恭城  
宋開寶五

年廢永平以廢富州之思勤開江二縣并入龍平來屬

熙寧五年廢蒙州以東區蒙山二縣并入立山來屬屬

廣西路

貢銀領縣四治平樂

平樂

吳縣有紫山平樂江荔浦昭岡

潭

恭城

唐縣有銀殿水樂水

龍平

本富州二縣有富蒙山思負水

立山

本象州三縣有東區

山象山

蒙州

秦桂林郡地二漢屬蒼梧郡地梁為開江武成

二郡地陳置靜州改開江武成二郡為逍遙郡隋平陳

並廢為縣屬始安郡唐又置靜州貞觀間改為富州

因富

水名

梧州

秦屬桂林郡二漢為蒼梧兼置交州

領郡十晉治於此

以後並因之梁屬成州隋平陳改為封州煬帝初州廢

屬蒼梧水平二郡地唐為梧州或為蒼梧郡地屬嶺南

道領縣三

蒼梧城

孟陵戎

宋開寶五年廢孟陵熙寧四年省

戎城為鎮並入蒼梧屬廣西路

貢銀白石英領縣一

蒼梧

隋縣有火山火泉桂江永水鰐魚池士變冢

潯州

秦屬桂林郡二漢以後並屬鬱林郡隋屬永平

鬱林二郡地唐置潯州或為潯江郡屬嶺南道領縣三

桂平宣化大賓後廢大賓宋開寶五年廢宣化紹興六年廢

龔州以地來隸屬廣西路貢銀領縣二治桂平桂

平梁縣有潯江鬱江

平南

本龔州領六縣開寶五年併為一縣又以思明州之武郎縣來屬俄復廢

武郎只作平南一縣紹興時廢龔州來隸有石勞山龔江

龔州秦屬桂林郡二漢屬蒼梧鬱林二郡地晉因之

唐置龔州或為臨江郡屬嶺南道領縣六

平南 大同等 武林 隋

建寧陽川風宋開寶五年廢陽川武林隋建大同寧風以

武明州之武郎來屬嘉祐二年廢武郎入平南紹興六

年廢龔州以其地入潯州

鬱林州

秦為桂林郡漢改為鬱林郡後漢亦同梁置

定州後改為南定州隋平陳改為尹州尋改為鬱林郡

唐為鬱林州或為郡屬嶺南道領縣五

石南 鬱平

興業 潭栗

興德

後廢石南潭栗宋開寶五年廢鬱平興德并入興

業為一縣又廢牢州以定川宕川并入南流又廢平琴

州之容山懷義黨州之撫安善勞并入南流為一縣屬

廣西路

貢銀縮砂領縣二治南流

南流

本牢州平 琴州黨州

之地有牢興業唐縣有北  
江馬援營斗山小江

賓州 秦屬桂林郡二漢為鬱林郡晉宋齊因之隋屬

鬱林郡唐置賓州或為安城郡屬嶺南道領縣三

領方

邪保城 宋開寶二年廢琅邪保城二縣廢澄州以止戈無

虞賀水三縣并入上林縣來屬天禧四年置遷江縣屬

廣西路 貢銀藤器領縣三治領方

領方  
漢縣有賓水浮江古

漏 上林本唐澄州三縣 遷江本邕州羈縻州  
有賀水莫耶關 有都泥山賀水

繡州 秦屬桂林郡二漢屬鬱林郡晉以後因之唐平

蕭銑置繡州或為常林郡屬嶺南道領縣三

常林 繡 阿林 羅

宋開寶五年廢繡州以其地入容州普寧縣

詳見容州下

象州

秦屬桂林郡二漢屬鬱林郡地吳又分置桂林

郡晉宋齊皆因之隋平陳置象州因象山為名煬帝廢

入始安郡唐復置象州或為象郡

秦之象郡今合浦屬郡是也非今象郡

嶺南道領縣三

武化 壽 武仙 陽

宋開寶七年廢嚴州以其來

賓縣來屬屬廣西路

貢金簾器領縣四治陽壽

陽

壽

唐縣有象水山陽水

武仙

唐縣有仙山鬱水

武化

唐縣

來賓

本嚴州縣開寶中廢以歸

化并入有  
牂牁江

柳州 秦土地與象郡同晉以後屬桂林郡隋屬始安

郡唐平蕭銑置昆州貞觀八年改為柳州或為龍城郡

領縣五

馬平 洛容 龍城 象 洛

宋淳化元年以洛封屬宜州

嘉祐四年廢象縣入洛容屬廣西路 貢銀領縣三治

馬平

馬平

隋縣有鵞山 潯江 羅池 神祠

柳城

梁龍城縣宋改有烏蠻山 龍江

洛容

唐縣有洛青山 歸江 黃洞江

融州 土地與龍城郡同唐置融州或為融水郡屬嶺

南道領縣三

融水

武陽

黃後併黃水入武陽宋開寶五年

置羅城縣大觀間陞為清遠軍節度屬廣西路貢金

桂心領縣三治融水

融水

唐縣有融山靈巖山潯江

武陽

唐縣有靈山永

平水熙寧初廢為鎮入融水

羅城

宋縣本珠州洞地熙寧初廢為鎮入融水

邕州秦屬桂林郡二漢以後屬鬱林郡唐武德四年

置南晉州貞觀五年改為邕州或為朗寧郡建武軍節

度邕管經略使屬嶺南道領縣七

宣化

武緣朗寧

思龍如和晉

興陵宋開寶五年廢朗寧封陵思龍景祐三年廢如和

縣入宣化樂昌縣入武緣又管羈縻州四十四縣五洞

十一 貢銀領縣二治宣化 宣化 隋縣有如山鬱水邕水駱越水武

離水羅陸水 武緣 唐縣有武緣水崑崙寨

貴州 古西甌駱越之地秦屬桂林郡徙謫人居之自

漢以下與鬱林郡同唐置貴州或為懷澤郡屬嶺南道

領縣四 鬱平 懷澤 義山 潮水 宋開寶五年廢懷澤潮水義山

屬廣西路 貢銀領縣一 鬱林 唐鬱平縣宋改有龍馬山石平

黨州 秦桂林郡地唐永淳元年開古黨洞置黨州或

為寧仁郡屬嶺南道領縣四

善勞善文

撫安寧仁

宋開寶七年

廢黨州以其地入鬱林州之南流縣

詳見鬱林州下

橫州

秦桂林郡二漢鬱林合浦二郡地吳置寧浦郡

晉因之宋齊不改梁又分置簡陽郡隋平陳二郡並廢

置簡州後又為緣州煬帝廢州屬鬱林唐為橫州或為

寧浦郡屬嶺南道領縣三

寧浦風

淳樂山

宋開寶二年廢樂

山淳風又廢鬱州以武羅靈竹并入永定來屬貢銀

領縣二治寧浦

寧浦

晉縣有鬱山鳴石山鬱江鯨江

永定

本鬱州三縣開寶中

廢州并為  
一縣未屬

嚴州 秦桂林郡地唐乾封三年置嚴州或為修德郡  
屬嶺南道領縣三

未賓  
化

修德

宋開寶七年廢嚴州以修

德歸化屬來賓隸象州

詳見象  
州下

巒州 秦屬鬱林郡唐置淳州天寶九年改為永定郡

乾元元年復為淳州永貞元年改為巒州屬嶺南道領

縣三

永定

武  
靈竹

宋開寶二年廢巒州以其地屬橫州

詳見

橫州  
下

羅州 秦屬象郡二漢屬合浦郡地宋屬高涼郡齊因

之梁陳置羅州

因宋置羅縣為名

及高興郡隋平陳郡廢羅州

如故煬帝初州廢併其地入高涼郡唐復為羅州或為

招義郡屬嶺南道領縣五

石城

吳川

招義

宋開寶四

年廢羅州以其地并為吳川一縣入化州

詳見化州下

潘州 秦屬象郡二漢屬合浦唐武德四年置南宕州

八年改為潘州或為南潘郡屬嶺南道領縣三

茂名南巴

潘水

宋開寶五年廢潘州以其地并入茂名一縣入高

州詳見高  
州下

容州 秦屬象郡二漢屬合浦郡隋為合浦永平二郡

地唐平蕭銑後置銅州貞觀八年改為容州州有容山或為

普寧郡州南去三十餘里有兩石相對狀若闕門閭三十步俗號鬼門闕漢伏波將軍馬援討林邑蠻

由此路立碑石龜尚在昔時往交趾皆由此闕其南尤多瘴癘去者罕得生還謗云鬼門闕十人去九不還

屬嶺南道為下都督經略領縣六北流 羅賓 欣道 普寧 陵

城宋屬廣西路為寧遠軍節度開寶五年廢欣道渭龍

陵城又廢繡州順州禺州以其地入焉 貢銀朱砂領

縣三治普寧

普寧

隋縣宋廢緇州以常林阿林羅緇三縣併入有容山緇江陸川

唐縣宋廢順州以龍淳溫水龍化南河四縣併入有鷄籠山龍化水北流隋縣宋廢禺州以義石扶萊羅

辨三縣併入有勾漏山鬼門關

化州 秦屬象郡二漢屬合浦郡唐置辯州或為陵水

郡屬嶺南道領縣三

石龍 陵羅 龍化

後廢龍化宋開寶五

年廢陵羅又以廢羅州之吳川來屬太平興國五年改

名化州屬廣西路 貢銀高良薑領縣二治石龍 石

龍隋縣有石龍江陵水羅水

吳川

本羅州宋廢其州并入吳川一縣來屬有黎山吳川水

白州 秦屬象郡二漢屬合浦郡唐平蕭銑於此置南

州尋改為白州或為南昌郡屬嶺南道領縣五

博白  
龍豪

南昌  
建寧

周羅後廢龍豪宋開寶五年廢南昌建寧周羅并

作博白一縣政和元年廢以其地隸鬱林州三年復紹

興間復廢為縣隸鬱林州 貢銀縮砂領縣一 博白

唐縣有博白山博白水周羅  
山周羅水綠珠江綠珠井

牢州 秦為象郡地二漢屬日南郡吳省晉平吳復置

宋分置南流郡齊梁曰定川郡隋屬合浦郡唐置義州

後改為智州又改為牢州或為定川郡屬嶺南道領縣

三

南流定川宕川

宋開寶五年廢牢州以定川宕川併入南

流為一縣屬鬱林州

詳見鬱林州下

欽州 晉以前與白州同宋齊以來置宋壽郡梁又置

安州隋平陳郡廢而安州如故後改安州為欽州煬帝

初州廢置寧越郡唐為欽州或為寧越郡屬嶺南道領

縣五

欽江靈山

遵

宋屬廣西路開寶五年廢遵化

欽江內亭三縣

貢高良薑翡翠毛領縣二治靈山

靈山

唐縣有桂山  
欽水羅彌水

安遠

唐保京縣宋改有安京  
山如洪江羅浮山水

武義州

土地與安南府同唐置武義州或為武義郡

屬嶺南道領縣五

武勞

如馬

武義

梁山 宋為邕州所管右

江道羈縻州

廉州

秦象郡地漢置合浦郡後漢同吳改為珠官晉

又為合浦郡宋因之兼置臨漳郡及越州

領郡三治於  
此時西江督

護陳伯紹請置遂以為刺史始  
立州鎮穿山為城門威服獠獠

齊又因之煬帝改為祿

州尋改為合州又廢州置合浦郡唐置廉州

州界有  
瘴江 或

為合浦郡屬嶺南道領縣四

合浦 蔡龍

封山 大廉

宋開寶五年

廢封山蔡龍大廉移州治於長沙場置石康縣太平興

國八年改太平軍移治海門鎮咸平元年復舊屬廣西

路 貢銀領縣二治合浦

合浦

漢縣有合浦銅船湖珠池

石康

本

樂州宋并為縣

雷州 秦象郡地二漢以後並屬合浦郡地梁分置合

州大同末以合肥為合州此為南合州隋平陳不改煬帝

初州廢屬合浦郡唐置雷州或為海康郡屬嶺南道領

縣三

海康 遂溪 徐聞

宋開寶五年廢徐聞遂溪屬廣西路

貢班竹領縣一

海康

有擎雷山擎雷水冠頭一寨

禺州

秦屬象郡唐置宕州後改為東莪州又改為禺

州或為溫水郡屬嶺南道領縣四

莪石 陸川

溫水 扶萊

宋開寶

五年廢禺州以其四縣併作北流一縣屬容州

詳見容州下

宜州

土地與安南府同秦屬象郡後沒於蠻夷唐開

置粵州乾封中更名宜州天寶元年曰龍水郡屬嶺南

道領縣四

龍水 東壘

崖山 天河

五代時為楚馬氏所有後入南

漢省崖山東璽宋淳化元年以柳州洛曹縣來屬慶歷

三年廢芝州以其地來屬廣西路貢生豆蔻草豆

蔻銀領縣五治龍水

龍水

唐縣有武鵝山龍口江

洛曹

唐縣有洛拔山

天河

唐縣有溪江

忻城

唐芝州治

思恩

唐環州地後沒蠻夷慶歷八年來屬

芝州土地與安南府同唐為芝州或為忻城郡屬嶺

南道領縣一

忻城

宋慶歷三年隸宜州

詳見宜州下

崖州

海中之洲也

其洲方千里

漢武置珠崖儋耳二郡昭

帝省儋耳并珠崖元帝又罷珠崖郡以其阻絕數反故

罷棄之與今海康郡之徐聞縣對自徐聞徑渡便風揚

帆一日一夕即至梁置崖州隋置珠崖郡唐為崖州屬

嶺南道領縣四

舍城文昌

澄邁臨高

宋廢屬瓊州而以唐之振

州為崖州

詳見瓊州下

儋州 土地與珠崖郡同漢置儋耳郡唐置儋州或為

昌化郡屬嶺南道領縣五

義倫思

洛陽昌化

富羅南漢廢富

羅宋廢洛陽熙寧六年降為昌化軍屬廣西路 貢高

良薑銀領縣三治宜倫

宜倫

隋義倫縣宋改有毗即山即山倫江

昌化

隋縣有昌化石南崖江

感恩

隋縣有感勞山南龍江

吉陽軍

土地與崖州同隋置臨振郡唐置振州或為

延德郡領縣五

寧遠

臨川

落屯

吉南漢省延德臨川落

屯宋開寶五年改振州為崖州熙寧六年降為珠崖軍

政和七年改吉陽郡今軍城非崖與振之舊乃舊吉陽

縣基也

貢高良薑領縣二治寧遠

寧遠

隋縣吉陽唐縣

熙寧六年二縣並省為鎮紹興復為縣

瓊州

土地與珠崖郡同唐割崖州置瓊州或為瓊山

郡屬嶺南道領縣五

瓊山

曾口

容

自乾封後沒山

瓊

樂會

顏羅

洞蠻貞元五年復七年省容瓊五代時省曾口顏羅宋

開寶五年廢崖州以舍城文昌澄邁三縣來屬熙寧四

年省舍城大觀元年割樂會隸萬安軍是年以黎母山

夷峒建鎮州賜軍額為靖海軍節度政和元年州廢以

其地及軍額來歸屬廣西路貢銀檳榔領縣四治瓊

山瓊山

唐縣有瓊山

澄邁

隋縣有澄邁山

文昌

唐縣有紫貝山那射水

臨高

唐縣有南歸水

萬安州 土地與珠崖同唐置萬安州或為萬安郡屬

嶺南道領縣四

萬安 富雲

博遠 陵水

南漢省富雲博遠宋屬廣

西路至大觀元年以瓊州樂會縣來隸 貢銀領縣三

治萬寧

萬寧

唐縣有赤隴山金仙水

陵水

唐縣有靈山陵柵水

樂會

唐縣有浦

泰水

安南都護府 古駱越之地秦屬象郡漢交趾日南二

郡界

今南方夷人其足大指開廣若並足而立其趾則交故名交趾

後漢因之兼置交

州

領郡七治於此

晉宋齊並因之

晉領郡七宋領郡五齊領郡九皆治於此

宋又置

宋平郡齊因之亦為交趾郡地梁因之隋平陳廢郡置  
交州煬帝初州廢置交趾郡唐為交州後改曰安南都  
護府屬嶺南道 貢蕉檳榔鮫草蚰蛇膽翠羽領縣八

宋平

宋置宋平郡在此

朱鳶

吳軍晉縣地舊置武平郡鳶以專反

龍編

漢舊縣

太

平

交趾

漢龍編縣地

武平

吳舊縣

平道

齊置昌國縣

南定

唐縣

宋初

為丁璉所據其後黎氏李氏陳氏世據安南之地

石湖范氏桂海虞衡志曰余按交趾之名其來最久  
王制曰南方曰蠻雕題交趾有不火食者矣蓋湮其

面額至今猶然太史公書北至於幽陵南至交趾  
西至於龍沙東至於蟠木日月所照莫不砥屬言極  
南也漢武帝始置交趾郡在洛陽南萬一千里歷代置  
守今獨為蠻方記曰南方曰蠻雕題交趾有不火食  
者矣記與雕題同言則其人形必小異交州記云交  
趾之人出南定縣足骨無節身有毛卧者更扶始得  
起山海經亦言交脛國人文脛郭璞云脚脛曲戾相  
交故謂之交趾今安南地乃漢唐郡縣其人百骸與

華無異愛州唐姜公輔實生之何嘗有交脛等說或傳安南有播流山環數百里皆如鐵圍不可攀躋中有土田惟一竅可入而常自室之人物詭怪不與外人通疑此是古交趾地必有能辯之者

愛州 秦象郡地漢武帝置九真郡後漢同晉亦屬九真郡宋齊因之梁置愛州隋為九真郡唐為愛州或為九真郡屬嶺南道 貢紗絕孔雀尾領縣六 九真

安順 崇平

日南

並漢居縣地

無編

漢舊縣又有漢西于縣故城今在縣東

軍寧 宋無此州

福祿州 土地與九真郡同唐總章初智州刺史謝

法成招慰生獠昆明北樓等七千餘落以故唐林州地

置福祿州或為福祿郡屬嶺南道 貢白蠟紫鉗領縣

三 柔遠 唐林 福祿 宋無此州

長州 歷代地理與福祿州同唐立長州天寶元年曰

文陽郡 貢金領縣四 文陽 銅蔡 長山 其常

宋無此州

驩州

古越裳氏國重九譯者也秦屬象郡二漢屬九

真郡吳分置九德郡晉宋齊因之隋置驩州後為日南

郡唐為驩州或為日南郡屬嶺南道貢金金泊黃屑

象牙犀角沉香斑竹領縣四

九德

晉縣

越裳

吳縣

懷驩

浦陽

晉縣

宋無此州

峯州

古文朗國

有文朗水

亦陸梁地秦屬象郡二漢屬交

趾郡吳分置新興郡晉改為新昌郡宋齊因之陳置興

州隋平陳郡廢改為峰州煬帝初州廢并入交趾郡唐

武德四年以交趾郡之嘉寧置峰州屬嶺南道貢銀

藤器白蠟蚬蛇膽豆蔻領縣五嘉寧承化新昌

並漢麓泠縣地麓音麋 嵩山珠祿宋無此州

陸州秦象郡地漢以來屬交趾郡梁分置黃州及寧

海郡隋平陳郡廢改黃州為玉州煬帝初州廢併地入

寧越郡唐復置玉州上元二年改為陸州

州界有陸水

或為

玉山郡屬嶺南道貢銀玳瑁鼈皮翠羽甲香領縣三

烏雷寧海華清宋無此州

巖州 土地與合浦郡同唐調露中析橫貴二州立以

巖岡之地因以為名天寶時曰常樂郡屬嶺南道貢

金領縣四 常樂 恩封 高城 石巖 宋無此州

湯州 秦屬象郡唐置湯州或為湯泉郡屬嶺南道

貢金領縣三 湯泉 涿水 羅韶 宋無此州

灤州 隋大將軍劉方始開此路置鎮守尋廢不通唐

貞觀中清平公李宏節尋劉方故道開置灤州以達交

趾今州在鬱林之西南交趾之東北

州界有灤水

其後或為

臨潭郡屬嶺南道貞元後沒於蠻夷名存而已領縣四

灤江 波零 鵠山 弘遠 宋無此州

籠州 唐貞觀十二年清平公李宏節招降生蠻置籠

州或為扶南郡屬嶺南道領縣七 武勒 武禮 羅

籠 扶南 龍賴 武觀 武江 宋無此州

環州 唐李宏節開招生蠻置或為正平郡屬嶺南道

領縣八 福零 正平 龍源 饒勉 思恩 武名

歌良 蒙都 宋無此州

古州 土地與瀼州同唐李宏節開夷獠置屬嶺南道

貢蠟領縣三 樂山 古書 樂興 宋無此州

田州 唐開元中開蠻洞立田州或為橫山郡屬嶺南

道領縣五 都救 惠佳 武龍 橫山 如賴 宋

無此州

山州 歷代地理與驩州同唐立山州或為龍池郡屬

嶺南道領縣二貞元末廢 龍池 盆山 宋無此州

演州 歷代地理與驩州同唐武德五年立驩州貞觀

九年改為演州而別立驩州十六年州廢入驩州廣德二年析驩州復立本忠義郡亦曰龍池郡又曰演水郡元立六縣後廢思農武郡武容金四縣屬嶺南道領縣二 忠義 龍池 宋無此州

林州 秦象郡漢曰南地東漢因之晉宋以後為林邑所據隋大業中平林邑立冲州尋改為林邑郡唐初立

林州貞觀九年綏懷林邑乃寄治於驩州之南境

漢末日南

郡象林縣功曹區連殺縣令自立為林邑王後有范熊范文范諸農相繼自立累世不賓至隋平之立冲州後

改為林邑郡唐貞觀中其君長修職貢乃於驩州屬嶺南境僑立林州及林邑縣以羈縻之非正林邑也

南道貞元末廢領縣三

林邑

漢象林縣

金龍

海界

宋

無此州

景州 歷代地理與林州同隋大業元年平林邑立蕩

州尋改為比景郡唐初并為七州又更名曰南景州貞

觀二年綏懷林邑乃寄治於驩州之南境八年曰景州

比景漢晉屬日南郡後為林邑所據比讀如庇蔭之庇晉九真太守灌邃討林邑其王范佛降乃於其國五月五日立八尺表日景在表南九寸一分故自比景以南皆開北戶以向日唐於驩州南境僑立景州及比景縣

非正比景也

屬嶺南道貞元末廢領縣三

比景 由文

朱吾

宋無此州

按演林景三州秦漢為郡縣漢末沒於林邑隋復取之唐初置此三郡至貞元間方廢而唐史地理志及杜氏通典俱不載故取歐陽忞輿地廣記中所載以補之

文獻通考卷三百二十三

欽定四庫全書

史部

文獻通考卷三百二十四

五四

詳校官<sub>臣</sub>閣學士<sub>臣</sub>瑞保

編修<sub>臣</sub>程嘉謨覆勘

覆校官<sub>臣</sub>中書<sub>臣</sub>孫希旦

校對官<sub>臣</sub>中書<sub>臣</sub>田尹衡

謄錄監生<sub>臣</sub>曹淦階

欽定四庫全書

文獻通考卷三百二十四

鄱陽馬端臨貴與著

四裔考一

東

通典總序曰覆載之內日月所臨華夏居土中生物

受氣正

李淳風云漢天者八家其三家甘氏石氏渾天之類以度數推之則華夏居天地之中也

歷代史倭國一名日本在中國東扶桑復在倭國東約去中國三萬里近日出處貞觀中骨利幹國獻馬

使云國在京師西北二萬餘里夜短晝長從天色暝時煮羊足才熟而東方已曙蓋近日入處今崖州直南水行使風十餘日到赤土國其國到五月亭午物影却在南一日三食飯皆旋炊不然遠巡過時即便臭敗熱氣時特甚蓋去日較近其地漸遠轉寒蓋去日稍遠則洛陽告成縣土圭居覆載之中明矣唯釋氏一家論天地日人性和而才慧地產厚而類繁所月性誕不可知也

以誕生聖賢繼施法教隨時拯弊因物利用三五以降代有其人君臣長幼之序立五常十倫之教備孝慈生焉恩愛篤焉主威張而下安權不分而法一生

人大寶實在於斯

三代以前列國更相征伐未嘗暫寧陪臣制諸侯諸侯陵天子人斃

鋒鏑月耗歲殲秦氏罷侯置守兩漢及隋唐戶口皆多於周室之前矣夫天生蒸民而樹君司牧語治者固當以既庶而安為本也昔賢曰失道而後德失德而後仁失仁

而後義失義而後禮誠謂削厚為薄散淳為澆又曰

古者人至老死不相往來不交不爭自求自足盖疾

時澆巧美往昔敦淳也然人之常情非今是古其朴

質少事信固可美而鄙風弊俗或亦有之緬惟古

之中華多類今之荒裔有居處巢穴焉

上古中華亦穴居野處後

代聖人易之以宮室今室韋國及黔中羈縻東諸夷及附國皆巢居穴處諸荒裔處巢穴者非少畧舉一

二 有葬無封樹焉

上古中華之葬衣之以薪葬中野不封不樹後代聖王易之以棺槨

今棘鞬國父母死棄之中野以哺貂流求國死無棺槨草裹屍以親土而葬上不起墳諸夷狄殯葬或以火焚或棄水中渾衡州蠻人取死者骨小函子盛置山岩石間大抵習俗既殊其法各異不可遍舉矣

有手團食焉

殷周之時中華人尚以手團食故禮記云共飯不澤手蓋弊俗漸改仍未盡耳

今五嶺以南民庶皆手團食

有祭立尸焉

三代以前中華人祭必立尸自秦漢則廢案後

魏文成帝拓跋濬時高允獻書云祭尸久廢今風俗父母亡歿取其狀貌類者以為尸而祭焉宴好如夫妻事之如父母敗損風化躡亂情禮又周隋蠻夷傳巴梁間風俗每春秋祭祀鄉里有美鬻面人迭迎為尸以祭之今都道州人每祭祀迎同姓聊陳一二不丈夫婦人伴神以享亦為尸之遺法

能遍舉

夏商以前臣不諱君名子不諱父名自有周方諱耳今外商則皆無諱如此之類甚衆不

可殫論

其地偏其氣梗不生聖哲莫草舊風訓誥之所

不可禮義之所不及外而不內疎而不戚來則禦之  
去則備之前代達識之士亦已言之詳矣歷代觀兵  
黷武討伐戎夷爰自嬴秦禍患代有始皇恃百勝之  
兵威既平六國終以事胡為弊漢武資文景之積蓄  
務恢封畧天下危若綴旒王莽獲元始之全實志滅  
匈奴海內遂至潰叛隋煬帝承開皇之殷盛三駕遼

左萬姓怨苦而亡夫持盈固難知足非易唯後漢光武深達理源建武三十年人康俗阜減宮馬武請殄匈奴帝報曰捨近而圖遠勞而無功捨遠而謀近逸而有終務廣地者荒務廣德者強有其者安貪人有者殘自是諸將莫敢復言兵事於戲持盈知足豈特治身之本亦乃治國之要歟

宋文元嘉中比西漢文景分命諸將經畧

河南致拓跋瓜步之師因而國盛身裁陳宣令主吳明徹入呂梁二十萬卒悉為周師所虜由是力殫財竭旋為隋氏削平是昏昧持盈不能知足故也

我國家開元天寶之際宇內

謚如邊將邀寵競圖勲伐西陲青海之戍東北天門  
之師磧西怛邏之戰雲南渡瀘之役沒於異域數十

萬人

天寶中哥舒翰克吐蕃青海中有島置二萬人戍之旋為吐蕃所攻翰不能救而全沒安

祿山討奚契丹於天門嶺十萬衆沒高仙芝伐石國於怛邏斯川七萬衆盡沒楊國忠討蠻閣羅鳳十餘萬衆全沒向無幽寇內侮天下四征未息離潰之勢其可

量邪前事之元龜足為殷鑒者矣

### 東夷總序

東夷

白虎通云夷者蹲也應劭風俗通云夷者抵也言仁而好生萬物抵地而出故天性柔順易以道御

有九種曰畎夷方夷黃夷白夷赤夷元夷風夷陽夷千

夷率皆土著

遲畧切

喜

許利切

飲酒歌舞或冠弁衣錦器用

俎豆所謂中國失禮求之四夷者也

凡蠻夷戎狄總名曰夷者猶公侯伯

子男皆號諸侯

昔堯命羲仲宅嵎夷曰暘谷盖日之所出也夏

后氏大康失德夷人始叛其後至后發即位賓於王門

獻其樂舞桀為暴虐諸侯內侵商湯革命伐而定之至

於仲丁藍夷作寇自是或服或叛三百餘年武乙衰弊

東夷寔盛遂分遷淮岱漸居中土周初封商太師國於

朝鮮

太師為周陳洪範其地今安東府之東悉為東夷所據

時管蔡畔周乃招誘

淮夷作亂周公征定之其後徐夷偕號穆王命楚滅之

徐偃王也

至楚靈王會申亦來同盟後越遷琅琊遂陵暴諸

夏侵滅小國秦并天下其淮泗夷皆散為人戶其朝鮮

歷千餘年至漢高帝時滅武帝元狩中間其地置樂浪

等郡至後漢末為公孫康所有魏晉又得其地其三韓

之地在海島之上朝鮮之東南百濟新羅魏晉以後分

三韓地新羅又在百濟之東南倭又在東南

倭島和反

隔越

大海夫餘在高麗之北挹婁之南其倭及夫餘自後漢  
百濟新羅自魏歷代並朝貢中國不絕而百濟唐顯慶  
中蘇定方滅之高麗本朝鮮地漢武置縣屬樂浪郡時  
甚微弱後漢以後累代皆受中國封爵所都平壤城則  
故朝鮮國王險城也後魏周齊漸強盛隋文帝時寇盜  
遼西漢王諒帥兵討之至遼水遭癘疫而返煬帝三度  
親征初度遼水敗績再行次遼水會楊元感反奔退又  
徃將達涿郡屬天下賊起及饑饉旋師貞觀中太宗又

親征度遼破之高宗總章初英國公李勣遂滅其國古  
之肅慎宜即魏時挹婁自周初貢楛矢石弩楛音戶至魏  
常道鄉公末東晉元帝初及石季龍時始皆獻之後魏  
以後曰勿吉國今則曰靺鞨焉大抵東夷書文並同華  
夏其閩越之地秦平天下以為郡及秦亂其帥又自稱  
王於故地武帝元封初楊僕滅其國遷其人於江淮虛  
其地自後雖人庶復集遂為郡縣矣

范曄論曰王制云東方曰夷夷者抵也言仁而好

生萬物抵地而出

事見風俗通

故天性柔順易以道御

至有君子不死之國焉山海經曰君子衣冠帶劍

食獸使二文虎在傍外國圖曰去瑯琊三萬里山

海經曰不死人在交脛東其國人黑色壽不死並

在東方昔箕子逢紂殷之運避地朝鮮始其國俗

未有聞也及施八條之約使人知禁遂乃邑無淫

盜門不夜扃

扃闔也

回頑薄之俗就寬畧之法行數

百千年故東夷通以柔謹為風異乎三方者苟政

之所暢則道義存焉仲尼懷憤以為九夷可居或  
疑其陋子曰君子居之何陋之有亦徒有以焉爾  
其後遂通接商賈漸交上國而燕人衛滿擾雜其  
風擾亂也於是從而澆異焉老子曰法令滋彰盜賊  
多有若箕子之省簡文條而用信義其得聖賢作  
法之原矣

### 朝鮮

朝鮮

晉張華曰朝鮮有泉水冽水汕水三水合為冽水疑樂浪朝鮮取名於此也

昔武王封

殷太師箕子於其地箕子教以禮義田蠶又制八條之

教

前書曰其法相殺者以當時償殺相傷者以穀償相盜者男没入為其家奴女子為婢欲自贖者人五十

萬音義曰八條不具見也

其人終不相盜無門戶之閉婦人貞信飲

食以籩豆其後四十餘代至戰國時朝鮮侯準亦借稱王

始全燕時嘗略屬焉為置吏築障塞秦滅燕屬遼東外

徼

秦遼東郡唐安東府之東地

及秦亂燕齊趙人往避地者數萬口

漢興為其遠難守復修遼東故塞至涓水為界

涓旁拜反屬

燕王盧綰反入匈奴燕王衛滿亡命聚黨千餘人黽

杜回

反  
結蠻夷服而東走出塞度涓水擊破朝鮮王準居秦  
故空地上下障

魏畧曰昔箕子之後朝鮮侯見周衰燕自尊為王欲  
東畧地朝鮮侯亦自稱為王欲興兵遂擊燕以尊周  
室其大夫禮諫之乃止使禮西說燕燕止之不攻後  
子孫稍驕虐燕乃遣將秦開攻其西方取地二千餘  
里至滿潘汗為界朝鮮遂弱及秦并天下使蒙恬築  
長城到遼東時朝鮮王否立畏秦襲之畧服屬秦不

肯朝會否死箕子準立二十餘年而陳項起天下亂  
燕齊趙民愁苦稍稍亡往準準乃置之於西方及漢  
以盧綰為燕王朝鮮與燕界於浞水及綰反入匈奴  
燕人衛滿亡命為胡服東渡浞水詣準降說準求居  
西界故中國亡命為朝鮮藩屏準信寵之拜為博士  
賜以圭封之百里令守西邊滿誘亡黨衆稍多乃詐  
遣人告準言漢兵十道至求入宿衛遂還攻準與滿  
戰不敵也

後稍役屬真番朝鮮諸夷及故燕齊亡命者王之都王

險

在涿水之東

會孝惠高后時天下初定遼東太守即約滿

為外臣保塞外以故滿得兵威財物侵降其旁小邑真番臨屯皆來服屬地方數千里傳子至孫右渠所誘漢亡人滋多初漢約朝鮮蠻夷君長欲入見天子勿得禁止以聞右渠既未嘗入真番辰國

謂辰韓也

欲上書見天子又雍闕弗通元封二年漢使涉何譙諭右渠終不肯奉詔使裨王長送何至涿水何刺殺之歸報曰殺朝

鮮將上為其名美弗詰拜何遼東東部都尉朝鮮怨發兵襲攻殺之漢遣樓船將軍楊僕從齊浮渤海兵五萬左將軍荀彘出遼東誅右渠發兵距險漢兵不利天子為兩將未有功乃使衛山因兵威往諭右渠右渠見使者頓首謝願降恐將詐殺臣今見信節請服降遣太子入謝獻馬五千匹及饋軍糧人衆萬餘持兵方渡涇水使者與左將軍疑其為變謂太子已服降宜令人毋持兵太子亦疑使者左將軍詐之遂不度涇水復引歸山

報天子誅山會兵圍之右渠堅城守數月未能下朝鮮  
王乃私約降樓船兩將不相得兵久不決左將軍執樓  
船併其軍因急擊朝鮮王不肯降元封三年夏尼谿相  
參乃使人殺王右渠來降遂定朝鮮為真番臨屯樂浪  
元菟四郡後悉為東夷之地昭帝時罷臨屯真番以并樂浪元  
菟自內屬以後風俗稍薄法禁亦浸多至於六十餘條

濊音穢

濊亦朝鮮之地南與辰韓北與高句麗沃沮接東窮大

海西至樂浪漢武帝元朔元年滅君南閭等畔朝鮮率二十八萬口詣遼東內屬帝以其地為蒼海郡數年乃罷至元封三年滅朝鮮分置四郡昭帝時并二郡入樂浪元菟復徙元菟居句麗自單大嶺以東沃沮濊貊并屬樂浪後以境土廣遠復分嶺東七縣置樂浪東部都尉光武建武六年省都尉官遂棄嶺東地悉封其渠帥為縣侯皆歲時朝賀無大君長自漢以來其官有侯邑君三老統主下戶其耆舊自謂與高麗同種言語法俗

大抵相類其人性謹愿少嗜慾有恥男女衣皆著曲領  
男子繫銀花廣數寸以為飾其俗重山川山川各有部  
分不得輒相干涉同姓不婚多所忌諱疾病死亡即棄  
舊宅更作新居知種麻養蠶綿布曉候星宿先知年歲  
豐約不以珠玉為寶常用十月祭天晝夜飲酒歌舞名  
曰舜天又祭虎以為神其邑落有侵犯者輒相罰責生  
口牛馬名之為責禍少寇盜作矛長三丈或數人共持  
之能步戰樂浪檀弓出其地又多文豹有果下馬高三

尺乘之可於果樹下行也其海出班魚皮漢時常獻之  
魏齊王正始六年不耐濊侯等舉邑降四時詣樂浪帶  
方二郡朝謁並今東夷之地有軍征賦調如中華人焉

馬韓

韓有三種一曰馬韓後漢時通焉二曰辰韓三曰弁辰  
馬韓在西有五十四國其北與樂浪南與倭接辰韓在  
東十有二國其北與濊貊接弁辰在辰韓之南亦十有  
二國其南亦與倭接凡七十八國百濟是其一馬大者

萬餘戶小者數千家各在山海間地合方四千餘里東  
西以海為限皆古之辰國也馬韓最大其立其種為辰  
王都目支國盡王三韓之地其諸王先皆是馬韓種人  
馬馬韓人知田蠶作綿布出大栗如梨有長尾雞尾長  
五尺邑落雜居亦無城郭作土室形如冢開戶在上不  
知跪拜無長幼男女之別不貴金寶錦罽不知騎乘牛  
馬唯重纓珠以綴衣為飾及縣頸垂耳大率皆髡頭露  
紒魁頭猶科頭也謂以髮布袍草履其人壯勇少年有  
紒繞成科結也紒音計

築室作力者輒以繩貫脊皮縋以大木嚙呼為健常以五月祭鬼神晝夜酒會羣聚歌舞舞輒數十人相隨蹋地為節十月農功畢亦復如之諸國邑各以一人主祭

天神號為天君又立蘓塗

魏志曰諸國名有別邑為蘇塗諸亡逃至其中皆不還之

蘓塗之義有似浮屠

建大木以縣鈴鼓事鬼神其南界近倭亦有

文身者其國各有帥大者自名為臣智其次為邑借散在山海間無城郭有愛襄國牟水國桑外國小石索國大石索國優休牟涿國臣漬沽國伯齊國速盧不斯國

日華國古誕者國古離國怒藍國月支國治離牟盧國  
素謂乾國古爰國莫盧國卑離國占離卑國占釁國支  
侵國狗盧國卑彌國監奚卑離國古蒲國致利鞠國冉  
路國兒林國駟盧國內卑離國感奚國萬盧國辟卑離  
國舊斯烏旦國一離國不彌國友半國狗素國樓盧國  
牟盧卑離國臣蘇塗國莫盧國古臘國臨素半國臣雲  
新國如來卑離國楚山塗卑離國一難國狗奚國不雲  
國不斯漬邪國爰池國乾馬國楚離國凡五十餘國大

國萬餘家小國數千家總十餘萬戶辰王治月支國臣  
智或加優呼臣雲遣支報安邪跖支漬臣離兒不例拘  
邪秦支廉之號其官有魏率善邑君歸義侯中郎將都  
尉伯長侯初朝鮮王準既為衛滿所攻奪將其左右官  
人走入海攻馬韓破之自立為韓王

魏畧曰其子友親  
留在國者因冒姓

韓氏準王海中不  
與朝鮮相往來

其後絕滅今韓人猶有奉其祭祀者

準既滅馬韓人復自立為辰王建武二十年韓人廉斯  
人蘇馬謨等詣樂浪貢獻光武封蘇馬謨為漢廉斯邑

君使屬樂浪郡四時朝謁靈帝末韓濊並盛郡縣不能制百姓苦亂多流亡入韓者獻帝建安中公孫康分屯

有有鹽縣

屯有有鹽並漢遼東屬郡唐並為東夷地

以南荒地為帶方郡遣

公孫模張敞等收集遺民興兵伐韓濊舊民稍出是後倭韓遂屬帶方魏景初中明帝密遣帶方太守劉昕樂浪太守鮮于嗣越海定二郡諸韓國臣智加賜邑君印綬其次為邑長其俗好衣幘下戶詣郡朝謁皆假衣幘自服印綬衣幘十有餘人部從事吳林以樂浪本統韓

國分割辰韓八國以與樂浪晉武帝太康元年二年其  
王頻遣使入貢方物七年八年十年又頻至太熙元年  
詣東夷校尉何龕上獻咸寧三年復來明年又請內附  
其王來朝自後無聞三韓蓋為百濟新羅所吞併又有  
州胡在馬韓之西海中大島上其人差短小言語不與  
韓同皆髡頭如鮮卑但衣韋衣有上無下畧如裸勢養  
牛豕乘船來貨市韓中

辰韓

辰韓耆老自言秦之亡人避苦後來適韓國馬韓割其東界地與之有城柵其言語有類秦人由是或謂之為秦韓其王常用馬韓人作之世世相係襲辰韓不得自立為王明其為流移之人故也其名國為邦弓為弧賊為寇行酒為行觴相呼皆為徒諸小邑各有渠帥大者名臣智次有險側次有樊穢次有殺奚次有邑借皆具官名土地肥美宜五穀知蠶桑作縑布乘駕牛馬嫁娶以禮其俗男女有別以大鳥羽送死其意欲使死者飛

揚國出鐵韓濊倭皆從取之諸市買皆用鐵如中國用  
錢又以供給二郡俗喜歌舞飲酒鼓琴瑟其瑟形似筑  
彈之亦有音曲兒生便以石厭其頭欲其匾故辰韓人  
皆匾頭匾音補典反男女近倭亦文身便步戰兵仗與馬韓  
同其俗行者相逢皆住讓路晉武帝太康中三來朝貢

弁辰

弁辰與辰韓雜居亦有城郭衣服居處與辰韓同言語  
風俗相似祠祭鬼神有異施竈皆在戶西其人形皆長

大美髮衣服潔清而刑法嚴峻其國近倭故頗有文身者

夫餘

夫餘國在元菟北千里南與高句麗東與挹婁西與鮮卑接北有弱水地方二千里本濊地也初北夷索離國

王出行

索或作索音度洛反

其侍兒於後倭身

倭音人鵝反

王還欲殺

之侍兒曰前見天上有氣大如雞子來降我因以有身

王囚之後遂生男王令置於豕牢

牢圉也

豕以口氣噓之

不死復徙於馬蘭蘭即欄也馬亦如之王以為神乃聽母收

養名曰東明東明長而善射王忌其猛復欲殺之東明

奔走南至掩淪水

今高麗中有蓋斯水疑此水是也

以弓擊水魚鼈皆

聚浮水上東明乘之得度因至夫餘而王之馬於東夷

之域最為平敞土宜五穀出名馬赤玉貂納

納似豹無前足音奴

八大珠如酸棗以員柵為城有宮室倉庫牢獄其人麤

大疆勇而謹厚不為寇鈔以弓矢刀矛為兵以六畜名

官有馬加牛加狗加其邑落皆主屬諸加食飲用俎豆

會同拜爵洗爵揖讓升降以臘月祭天大會連日飲酒  
歌舞名曰迎鼓是時斷刑獄解囚徒有軍事亦祭天殺  
牛以䟽占其吉凶

魏志曰牛䟽解者為凶合者為吉

行人無晝夜好歌

吟音聲不絕其俗用刑嚴急被誅者皆沒其家人為奴  
婢盜一責十二男女淫皆殺之尤治惡妬婦既殺復尸  
於山上兄死妻嫂死則有槨無棺殺人殉葬多者以百  
數其王葬用玉匣漢時常豫以玉匣付元菟郡王死則  
迎取以葬焉建武中東夷諸國皆來獻見二十五年夫

餘王遣使奉貢光武厚答報之於是使命歲通至安帝  
永初五年夫餘王始將步騎七八千人寇鈔樂浪殺傷  
吏民後復歸附永寧元年乃遣嗣子尉仇台詣闕貢獻  
天子賜尉仇台印綬金綵順帝永和元年其王來朝京  
師帝作黃門鼓吹角抵戲以遣之桓帝延熹四年遣使  
朝賀貢獻永康元年王夫台將二萬餘人寇元菟元菟  
太守公孫域擊破之斬首千餘級至靈帝熹平三年復  
奉章貢獻夫餘本屬元菟獻帝時其王求屬遼東云漢

末公孫度雄張海東威服外夷夫餘王尉仇台更屬遼東時句麗鮮卑疆度以夫餘在二虜之間妻以宗女尉仇台死簡位居立無適子有孽子麻余位居死諸加共立麻余牛加兄子名位居為大使輕財善施國人附之歲歲遣使詣京師貢獻魏正始中幽州刺史毋邱儉討句麗遣元菟太守王須詣夫餘位居遣大加郊迎供軍糧季父牛加有二心位居殺季父父子籍沒財物遣使薄歛送官舊夫餘俗水旱不調五穀不熟輒歸咎於王

或言當易或言當殺麻余死其子依慮年六歲立以為王晉太康六年為慕容廆所襲破依慮自殺子弟走保沃沮夫餘庫有玉璧珪瓚數代之物傳世以為寶耆老言先代所賜也

魏畧曰其國殷富自先世以來未嘗破壞

武帝以何龕為護

東夷校尉明年夫餘後王依羅遣使詣龕求率見人還復舊國龕遣督護賈沉以兵送之廆又要之於路沉與戰破之依羅乃得復國爾後每為廆掠其種人賣於中國帝又以官物贖還禁市夫餘之口自後無聞

倭 即日本

倭在韓及帶方郡東南大海中依山島為居去樂浪郡境及帶方郡並一萬二千里凡百餘國自漢武帝滅朝

鮮使驛通於漢者三十許國國主稱王世世傳統其大

倭王居邪馬臺國

按今名邪摩維音之訛也

樂浪徼去其國萬二千

里去其西北界拘邪韓國七千餘里其地大較在會稽東冶之東與朱崖儋耳相近故其法俗多同土宜禾稻麻紵蠶桑知織績為縑布出白珠青玉其山有丹土氣

溫暖冬夏生菜茹無牛馬虎豹羊鵲

鵲或作雞

其兵有矛楯

木弓竹矢或以骨為鏃男子皆黥面文身以其文左右

大小別尊卑之差其男衣皆橫幅結束相連女人被髮

屈紒衣如單被貫頭而著之並以丹朱粉身

說文曰粉塵也音蒲

頓反如中國之用粉也有城柵屋室父母兄弟異處唯會

同男女無別飲食以手而用籩豆俗皆徒跣以蹲踞為

恭敬人性嗜酒多壽考至百餘歲者甚衆國多女子大

人皆有四五妻其餘或兩或三女人不淫不妬又俗不

竊盜少爭訟犯法者沒其妻子重者滅其門族其死停喪十餘日家人哭泣不進酒食而等類就歌舞為樂灼骨以卜用決吉凶行來度海令一人不櫛沐不食肉不近婦人名曰持衰若在塗吉利則顧以財物如病疾遭害以為持衰不謹便共殺之建武中元二年倭奴國奉貢朝賀使人自稱大夫倭國之極南界也光武賜以印綬安帝永初元年倭國王帥升等獻生口百六十人願請見桓靈間倭國大亂更相攻殺歷年無主有一女子

名曰卑彌呼年長不嫁事鬼神道能以妖惑衆於是共  
立為王侍婢千人少有見者唯有男子一人給飲食傳  
辭語居處宮室樓觀城柵皆持兵守衛法俗嚴峻自女  
王國東度海千餘里至拘奴國雖皆倭種而不屬女王  
自女王國南四千餘里至侏儒國人長三四尺自侏儒  
東南行船一年至裸國黑齒國使驛所傳極於此矣會  
稽海外有東鯤人鯤音達奚反分為二十餘國又有夷州及澶州傳  
言秦始皇遣方士徐福將童男女數千人入海

事見史記

求

蓬萊神仙不得徐福畏誅不敢還遂止此州世世相承

有數萬家人民時至會稽市會稽東治縣人有入海行

遭風流移至澶州者所在絕遠不可往來

南史倭西南海有海人身

黑眼白裸而醜其肉美行者或射而食之文身國在倭東北七千里人體有文如獸其額上有三文文直者貴

文小者賤土俗歡樂物豐而賤行客不賣糧有屋宇無城郭國王所居飾以金銀珍麗遠屋為塹廣一丈實以水銀雨則流於水銀之上市用珍寶犯罪輕者鞭杖死罪則置猛獸食之有枉則獸避而不食經宿則赦之大漢國在文身國東五十餘里無兵戈不攻戰風俗並與文身國同而言語異倭國有獸如牛名曰山鼠又有大蛇吞此獸蛇皮堅不可斫其上有孔乍開乍閉時或有光射中之蛇則死矣

魏志曰從帶方郡至倭循海岸水行歷韓國乍南乍東到其北岸拘邪韓國七千餘里至對海國其大官曰卑狗副曰卑奴母離所居絕島方可四百餘里土地山險多深林道路如禽鹿逕有千餘戶無良田食海物自活乘船南北市糴又南渡一海千餘里名曰瀚海至一大國官亦曰卑狗副曰卑奴母離方可三百里多竹木叢林有三千許家差有田地耕田猶不足食亦南北市糴又渡一海千餘里至末盧國有四

千餘戶濱山海居草木茂盛行不見前人好捕鰕魚  
水無深淺皆沉沒取之東南陸行五百里到尹都國  
官曰爾支副曰泄謨觚柄渠觚有千餘戶世有王皆  
統屬女王國郡使往來常所駐東南至奴國百里官  
曰兕馬觚副曰卑奴母離有二萬餘戶東行至不彌  
國百里官曰多模副曰卑奴母離有千餘家南至投  
馬國水行二十日官曰彌彌副曰彌彌那利可五萬  
餘戶南至邪馬一國女王之所都水行十日陸行一

月官有伊支馬次曰彌馬升次曰彌馬獲支次曰奴  
佳鞮可七萬餘戶自女王國以北其戶數道里可得  
畧載其餘旁國遠絕不可得詳次有斯馬國次有已  
百支國次有伊邪國次有郡支國次有彌奴國次有  
好古都國次有不呼國次有姐奴國次有對蘇國次  
有蘇奴國次有呼邑國次有華奴蘇奴國次有鬼國  
次有為吾國次有鬼奴國次有邪馬國次有躬臣國  
次有巴利國次有支惟國次有烏奴國次有奴國此

女王境界所盡其南有拘奴國男子為王其官有狗古智卑狗不屬女王自郡至女王國萬二千餘里

魏景初二年既平公孫氏倭女王遣大夫難升米等詣郡求詣天子朝獻太守送詣都乃以金印紫綬封為親魏倭王難升米等並拜中郎校尉假銀印青綬勞賜優渥正始元年太守弓遵遣使奉詔書印綬并齎詔賜金帛錦蜀刀鏡綵物倭王國使上表答謝詔恩其四年復遣使上獻生口方物八年太守王頎到官倭女王卑彌

呼與狗奴國男王卑彌弓平素不和遣使詣郡說相攻  
擊狀遣塞晉掾史張政等齎詔告諭之卑彌呼死更立  
男王國中不服更相誅殺復立卑彌呼宗女壹與年十  
三為王國中遂定壹與遣使送政等還因獻男女生口  
貢白珠青大句珠異文雜錦晉武帝太始初遣使重譯  
入貢安帝時倭王讚遣使入朝貢宋武帝永初二年詔  
曰倭讚遠誠宜甄可賜除授文帝元嘉二年讚又遣使  
奉表獻方物讚死弟珍立遣使貢獻自稱使持節都督

倭百濟新羅任那秦韓慕韓六國諸軍事安東大將軍  
倭國王表求除正詔除安東將軍倭國王珍又求除正  
倭洵等十三人平西征虜冠軍輔國將軍等號詔並聽  
之二十年倭國王濟遣使奉獻復以為安東將軍倭國  
王二十八年加使持節都督倭新羅任那加羅秦韓慕  
韓六國諸軍事安東將軍如故并除所上二十三人職  
濟死世子興遣使貢獻孝武大明六年詔授興安東將  
軍倭國王興死弟武立自稱使持節都督倭百濟新羅

任那加羅秦韓慕韓七國諸軍事安東大將軍倭國王  
順帝昇明二年遣使上表言自昔祖彌躬擐甲胄跋涉  
山川不遑寧處東征毛人五十五國西服衆夷六十六  
國陵平海北九十五國王道融秦廓土遐畿累葉朝宗  
不愆於歲道逕百濟裝飾船舶而句麗無道圖欲見吞  
臣亡考濟方欲大舉奄喪父兄使垂成之功不獲一簣  
今欲練兵申父兄之志竊自假開府儀同三司其餘咸  
各假授以勸忠節詔除武使持節都督倭新羅任那加

羅秦韓慕韓六國諸軍鎮東大將軍梁武帝即位進武  
號征東大將軍陳平至隋開皇二十年倭王姓阿每字  
多利思比孤號阿輩鷄彌遣使詣闕上令所司訪其風  
俗使者言倭王以天為兄以日為弟天明時出聽政跣  
趺坐日出便停理務云委我弟文帝曰此大無義理於  
是訓令改之王妻姓鷄彌後宮有女六七百人名太子  
謂利歌彌多弗利無城郭內官有十二等一曰大德次  
小德次大仁次小仁次大義次小義次大禮次小禮次

大智次小智次大信次小信員無定數有軍尼一百二十人猶中國牧宰八十戶置一伊尼翼如今里長也十伊尼翼屬一軍尼其服飾男子衣裙襦其袖微小屨如屨形漆其上繫之脚人庶多跣足不得用金銀為飾故時衣橫幅結束相連而無縫頭亦無冠但垂髮於兩耳上至隋其王始制冠以錦絲為之以金銀鏤花為飾婦人束髮於後亦衣裙襦裳皆有襪櫛竹聚以為梳編草為薦雜皮為表緣以文皮有弓矢刀稍弩殳斧漆皮為

甲骨為矢鏑雖有兵無征戰其王朝會必陳設儀仗其  
國樂戶可十萬俗殺人強盜及姦皆死盜者計贓酬物  
無財者沒身為奴自餘輕重或流或杖每訊冤獄不承  
引者以木壓膝或張強弓以弦鋸其項或置小石於沸  
湯中令所競者探之云理曲者即手爛或置蛇甕中令  
取之云曲者即螫手人頗恬靜罕爭訟少盜賊樂有五  
絃琴笛男女多黥臂黥面文身沒水捕魚無文字唯刻  
木結繩敬佛法於百濟求得佛經始有文字知卜筮尤

信巫覡每至正月一日必射戲飲酒其餘節畧與華同  
好棊博握槊樗蒲之戲氣候溫暖草木冬青土地膏腴  
水多陸少以小環挂鸕鷀項令入水捕魚日得百餘頭  
俗無盤俎藉以櫛葉食用手舖之性質直有雅風女多  
男少婚嫁不取同姓男女相悅者即為婚婦入夫家必  
先跨火乃與夫相見婦人不淫妬死者斂以棺槨親賓  
就屍歌舞妻子兄弟以白布制服貴人三年殯庶人卜  
日而瘞及葬置屍船上陸地牽之或以小輿有阿蘇山

其石無故火起接天者俗以為異因行禱祭有如意寶珠其色青大如雞卵夜則有光云魚眼睛也新羅百濟皆以倭為大國多珍物並仰之恒通使往來大業三年其王多利思比孤遣朝貢使者曰聞海西菩薩天子重興佛法故遣朝拜兼沙門數十人來學佛法國書曰日出處天子致書日沒處天子無恙云云帝覽不悅謂鴻臚卿曰夷書有無禮者勿復以聞明年上遣文林郎裴世清使倭國度百濟行至竹島南望耽羅國經都斯麻

國迴在大海中又東至一支國又至竹斯國又東至秦  
王國其人同於華夏以為夷洲疑不能明也又經十餘  
國達於海岸自竹斯國以東皆附庸於倭倭王遣小德  
何輩臺從數百人設儀仗鳴鼓角來迎後十日又遣大  
禮奇多毗從二百餘騎郊勞既至彼都其王與世清來  
貢方物此後遂絕唐太宗貞觀五年遣使入朝帝矜其  
遠詔有司無拘歲貢遣新州刺史高仁表往諭與王爭  
禮不平不肯宣詔而還久之更附新羅使者上書永徽

初其王孝德即位改元白雉獻琥珀礪砥時新羅為高麗百濟所暴高宗賜璽書令出兵援新羅未幾孝德死子天豐財立死子天智立明年使者與蝦蟇人偕朝蝦蟇人亦居海島中其使者鬚長四尺許珥箭於首令人戴瓠立數百步射無不中者天智死子天父立死子總符立咸亨元年遣使賀平高麗後稍習夏音惡倭名更號日本使者自言國近日所出以為名或云日本乃小國為倭所併故冒其號使者不以情故疑焉又妄夸其

國都方數千里南西盡海東北限大山其外即毛人云  
長安元年其王文武立改元曰大寶遣朝臣真人栗田  
貢方物朝臣真人者猶唐尚書也冠進德冠頂有華鬘  
四被紫袍帛帶真人好學能屬文進止有容武后宴之  
麟德殿授司膳卿還之文武死子阿用立死子聖武立  
改元曰白龜開元初栗田復朝請從諸儒授經詔四門  
助教趙元默即鴻臚寺為師獻大幅巾為贄悉賞物貨  
書以歸其副朝臣仲滿慕華不肯去易姓名曰朝衡歷

左補闕儀王友多所該識久乃還聖武死女孝明立改  
元曰天平勝寶天寶十二載朝衡復入朝上元中擢左  
散騎常侍安南都護新羅梗海道更繇明越州朝貢孝  
明死大炊立死以聖武女高野姬為王死白壁立建中  
元年使者真人興能獻方物真人蓋因官而氏者興能  
善書其帝似蠶而澤人莫識貞元末其王曰桓武遣使  
者朝其學子橘免勢浮屠空海願留肄業歷二十餘年  
使者高階真人來請免勢等俱還詔可次諾樂立次嵯

峨次浮和次仁明仁明直間成四年復入貢次文德次清和次陽成次光孝直光啓元年其東海嶼中又有邪古波邪多尼三小王北距新羅西北百濟西南直越州有綠絮怪珍云宋雍熙元年本國僧裔然與其徒五人浮海而至獻銅器十餘事并本國職員今年代紀各一卷裔然衣綠自云姓滕原氏父為真連真連其國五品官也裔然善隸書而不通華言問其風土但書以對上召見存拊甚厚賜紫衣上聞其國王一姓傳繼臣下皆

世官因謂宰相曰此島夷耳乃世祚遐遠其臣亦繼襲  
不絕蓋古之道也中國唐季寓縣分割梁周五代享歷  
尤促大臣世胄鮮能嗣續可嘆也其國多中國典籍尙  
然之來復得孝經一卷越王孝經新義第十五一卷皆  
金縷紅羅縹水晶為軸孝經即鄭氏註者越王乃唐太  
宗子越王貞新義者記室參軍任希古等撰也儻然又  
求印本大藏經詔給之二年隨台州寧海縣商人船  
歸其國後數年遣弟子奉表來謝又別啟貢佛經及方

物

奄然書曰國中有五經書及佛經白居易集七十卷  
並得自中國土宜五穀而少麥交易用銅錢文曰乾  
文大寶畜有水牛驅羊多犀象產絲蠶多織絹薄織  
可愛樂有中國高麗二部四時寒暑大類中國國之  
東境接海島夷人所居身面皆有毛東奧州產黃金  
西別島出白銀以為貢賦國王以王為姓傳襲至今  
王六十四世文武僚吏皆世官其年代紀所記云初

主號天御中主次曰天材雲尊其後皆以尊為號次  
天八重雲尊次天忍尊次膽波尊次萬魂尊次利剝  
魂尊次國狹槌尊次角龔魂尊次津丹尊次面重見  
尊次國常立尊次天鑑尊次天萬尊次珠名杵尊次  
伊壯大尊次素戔嗚尊次天照大神尊次正哉吾勝  
連日天押穗耳尊次天彥尊次炎尊次彥瀲尊以上  
凡十三世並都於筑紫日尚向宮彥瀲第四子號神  
武天皇自筑紫宮大居入和州彊原宮即位元年甲

寅當周僖王時次綏靖天皇次安寧天皇次懿德天皇次孝昭天皇次孝安天皇次孝靈天皇次孝元天皇次開化天皇次崇神天皇次垂仁天皇次景行天皇次城務天皇次仲哀天皇國人言今為鎮國香椎大神次神功天皇開化天皇之曾孫女又謂之息長足姬天皇國人言今為太奈良姬大神次應神天皇始於百濟得中國文字今號八番菩薩有大臣號紀武內年三百七歲次仁德天皇次履中天皇次反正

天皇次允恭天皇次安康天皇次雄略天皇次顯宗  
天皇次仁賢天皇次武烈天皇次繼體天皇次安閑  
天皇次宣化天皇次天國排開廣庭天皇亦名銘明  
天皇壬申歲始傳佛法於百濟國當此梁承聖元年  
次達海天皇次用名天天皇有子曰聖德太子年三  
歲聞十人語同時解之七歲悟佛法於菩提寺講聖  
鬘經天雨曼陀羅華當此隋開皇中遣使泛海至中  
國求法華經次崇峻天皇次推古天皇敏明天皇之

女也次舒明天皇次皇極天皇次考德天皇白雉四年律師道照佛法至中國從三歲僧元重授經律論當此永徽四年也次天豐財重日足姬天皇令僧智通等入唐求大乘法相教當此顯慶三年也次天智天皇次天武天皇次持總天皇次文武天皇大寶三年當此長安元年遣粟田真人入唐求書籍律師道慈求經律次阿閉天皇次敏天皇次聖武天皇寶龜元年遣僧正元昉入朝當此開元四年也次孝明天

皇武聖天皇之女也天平勝寶四年當此天寶中遣  
使及僧入唐求內外經教及傳戒次大炊天皇次高  
野天皇聖武天皇之女也次白壁天皇遣二僧靈仙  
行賀入唐禮五臺山學佛法次恒武天皇遣騰元葛  
野與空海大師及延歷寺僧澄入唐詣天台山傳智  
者正觀義元和元年也次諾天皇次諾樂天皇次嵯  
峨天皇次淳和天皇次仁明天皇當此開成會昌中  
遣僧入唐禮五臺次文德天皇當此大中年次清和

天皇次陽城天皇次光孝天皇遣僧宗睿入唐傳教  
當此光啟元年也次仁和天皇當此梁龍德中遣僧  
寬建等入朝次醍醐天皇次天慶天皇次封上天皇  
當此周廣順年也次冷泉天皇今為太上天皇次守  
平天皇即今王也凡六十四世畿內有山城太河  
內和泉攝津凡五州共統五十三郡東海道有伊賀  
伊勢志摩張參河遠江駿河伊豆甲斐相模武藏安  
房上總常陸凡十四州共統百二十六郡東山道有

近江美濃飛驒信濃上野下野陸奥出羽凡八州共  
統百二十二郡北陸道有若狹越前加賀能登越中  
越後佐渡凡七州共統三十郡山陰道有丹波丹彼  
但馬因幡伯耆出雲石見隱伎凡八州共統五十二  
郡小陽道有播磨美作備前備後安藝周防長門凡  
八州共統六十九郡南海道有伊紀淡路河波諸耆  
伊豫土佐凡六州共統四十八郡西海道有筑前筑  
後豐前豐後肥後日向大隅薩摩凡九州共統九十

三郡又有一伎對馬多嶺凡三島各統二郡是謂五  
畿七道凡三千七百七十二鄉四百一十四驛八十  
八萬三千三百二十九課丁課丁之外不可詳見皆  
奄然所記云按隋開皇唐永徽長安天寶元和開成  
史稱遣使來貢與此所記皆同大中光啟龍德及周  
廣順中皆嘗遣僧至中國唐書五代史失其傳唐咸  
亨中及開元二十三年大歷十二年建中元年皆來  
朝貢其記不載

咸平五年建州海賈周世昌遭風飄至日本凡七年得  
還與其國人滕木吉至上皆召見之世昌以國人唱和  
詩來上其詞雕刻膚淺無取後賜裝錢遣還景德元年  
其國僧寂照八人來朝寂照不曉華言而識文字繕寫  
甚妙凡問答並以筆札詔號圓通大師賜紫方袍天聖  
四年明州言日本國太寧府遣人貢方物而不持本國  
表詔却之其後亦未通朝貢南賈時有傳其物貨至中  
國者熙寧五年有僧誠尋至台州止天台國清寺願留

州以聞詔使赴闕誠尋獻銀香爐木榼子白琉璃五香水精紫檀琥珀所飾念珠及青色織物綾神宗以其遠人而有戒業處之開寶寺盡賜同來僧紫方袍是後連貢方物而來者皆僧也元豐元年使通事僧仲回來賜號慕化懷德大師明州又言得其國太宰府牒因使人孫忠還遣仲回等貢色段二百疋水銀五千兩州以孫忠乃泛海商客而貢禮與諸國異請自移牒報而答其物直付仲回東歸從之乾道五年附明州綱首進貢方

物淳熙三年其國人泛海遭風飄至明州無口食詔給之又有百人行丐於市至臨安詔守臣支給津遣往明州養贍候有便船發回本國十年七十三人飄至秀州華亭紹熙元年飄至泰州詔見行貨物免抽買船隻物件盡數給還仍給常平米賑恤慶元六年至平江嘉泰二年至定海縣詔並支給錢米養贍候風便津發回國按倭人自後漢始通中國史稱從帶方至倭國循海水行歷朝鮮國乍南乍東渡三海歷七國凡一

萬二千里然後至其國都又言去樂浪郡境及帶  
方郡並一萬二千里在會稽東與儋耳相近其地  
去遼東甚遠而去閩浙甚邇其初通中國也實自  
遼東而來故其迂回如此至六朝及宋則多從南  
道浮海入貢及通互市之類而不自北方則以遼  
東非中國土地故也三朝志雍熙中僧奝然入貢  
歸國後奉表來謝敘其來則曰望落日而西行十  
萬里之波濤難盡顧信風而東別數千重之山岳

易過何其遠也叙其歸則曰季夏解台州之纜孟  
秋達本國之郊又何其近也而繼之曰爰逮明春  
初到舊邑縉素欣待侯伯慕迎然則其國境雖去  
浙東甚近而其國都則又必半年而後達歟

文獻通考卷三百二十四